

نومرو: ۱۳

مارت ۱۳۲۶

ایکنجی سنه

# علم حقوق و مقایسہ قوانین مجسمہ و عری

ہر آی نشر اولنور

مؤسس و صاحبی:

کرملجنہ مہرئی: محمد عارف

## حقوق دول

معلى: احمد شعیب بک

- مابعد -

۱۷۹۵ تاریخنده دیرمکتواری تشکل ایتش بولیورز . چونکه روبه رس پیرک دوشمه سیله قونوانسیون ژاقوبه نلر وسائر قلوبلر دخی منقرض اولمش یرینه بش کشیدن عبارت اولان دیرمکتواری قائم اولمش؛ قوه قانونیهده نابولیون ایله بش یوز کشیدن مرکب بر مجلسه تودیع اولمش ایدی .

اختلال کیرک اجرا آتندن اولمق اوزره فرانسهده قانون جزا و اصول محاکمات جزائیه یکیدن تنظیم ایدلدی . مجلس ؛ فرانسه ایچون بر قانون مدنی تنظیمی دوشونه رک بواشی « قامباساروس » . حواله ایتدی ایسهده بر شی پایله مادی . بالاخره قانون مدنی تنظیمنه موفق اولان « نابولئون بوناپارط » در . دانتون « ملت ایچون تربیه فکریه اکم قدر الزم بر شیدر . » دیردی .

ایشته بوسوزی اساس حرکت اتخاذ ایدن اختلال کیر ؛ تدریساتی ؛ ابتدائی ، تالی وعلی اولمق اوزره اوچه تفریق ایتدی ، و پولتیق مکتبلی کشاد ، قولله زده فرانس یکی باشدن اصلاح ، کتبخانه ملی ، انستیتو ، تاریخ طبعی موزمسی احداث والسنه شرقیه مکتبکده اساسی وضع ایدلدی . آریستوقراسی امتیازاتی کاملاً فسخ ایدلمکله بتون فرانسهده هرکسک عینی قانونه تابع اوله جفی یعنی آرتق مارکیک ، قونسلق ، بارونلق ، کبی بر طاقم عنوان ایله افراد ملت آرمسندم برصنف ممتاز قالمادینی ، ونکاح مدنی Mariage civile اصولی قبول اوله رقی طرفینک دوائر بلدییهده عقد نکاح ایلیه بیله جککری اعلان اولندی .

قولیک مذهبی موجبینجه رابطه ازدواجک قطعی ، یالکیز بابایه محول اولمق

ملاسه سیله ، مصارف عظیمه اختیارینه متوققدر . بناء علیه بوکا یالکز کبرا وزادکان موفق اوله بیلدیکندن بواصول دخی قالدیرلهرق طلاق قانونی وضع ایدلدی .

اختلال کیر اولاد غیر مشروعه بی ده طانیدی . و اصول استلصاق قبول ایتدی . اولاد مشروعه ایله غیر مشروعه بینده هیچ برفرق یوقدر بونلر شایان مرحمدر ؛ میراث خصوصنده عینی حقوقه نائل اوله جقلردر دیدی .

قونوانسیون ناسیونال مجلسی هر درلو مذهبک ردی جهتی التزام ایدیور ، اختلال کیر ایله برابر فرانسه ده یاپاسلر ، قتولیکلر علینه غلبان حسابات حصوله کلیور وبال نتیجه ازمه مختلفه قتولیک مذهبه قارشى برچوق قانونلر یاپیلوردی . بو جمله دن اولقی اوزره ایلك دفعه اوله رق فرانسه یاپاسلرینک بابالق مقامندن استقلالی مبین بر قانون اساسی یاپیلدی . بونکله ده اکثفا اولمه رق فرانسه نک دینسزلیکی قرارشدیرلدی . یارس باش یسقیوسی « غوبن » یانده کی یاپاسلری آلهرق مجلسه کلدی و آرق قتولیک دینک لزومی قالدیغندن استعفا ایتدیکنی بیان ایلدی و سرپوش اختلالی Bounet rouge باشه کچیردی . کلیسالر قبادلدی ، برچوقلری آخور ، برچوقلری مغازه یابلدی . اله کچن یاپاسلرک کیمیمی اعدام کیمیمی فرانسه مستملکاته نفی ایدلدی . و بووجهله قتولیک دینه مدھش بر ضربه ایندیرلدی .

اختلال کیر فرانسه حیات اقتصادی سنده ده بک مهم تأثیرات حصوله کتیرمشد .

قره کرکاری ایله اصناف هیئتلری بستیون قالدیرلش ، اسارت زراعیه لغو ایدیلهرک زادکادن آنان اراضی کوییلرله تقسیم ایدلش و بوضورتله حق تصرف یارچه لامش ایدی . مالکیت صغیره بیدرنی ترقی ایدیوردی . ممالک اجنبیه هجرت ایدن زادکانک کافه اموالی مصادره اولندینی کبی بونلردن فرانسه یه عودت ایده جکلرک ده اعدام اوله جنی اعلان ایدلش ایدی . فرانسه نک اقالیم مختلفه و حیات ملیه سی نظر دتته آلمیه رق اداره محلیه عینی تقسیمات و عینی قواعد تابع طوتلدی .

لاعی انتمین یاپیلان شو قانونلر برمدت موقته ایچون پایدار اولوب بالآخره

جمله سی‌قادرلدی . چونکه اختلال کبیر واضع قانونلری نه بحق طبیعت بشریه واقف ایدیلر ، نده فرانسه تاریخنه !.. حیات اقوامده « Tradition غنعات تاریخه » دینلان بر شی واردر . مثلاً : بر قومک آن تشکندن بری کچیردیکی بر طاقم صفحات مختلفه و مؤسسات اجتماعی و سیاسی واردر؛ که دفعه تغییر و تبدیل ایدیلر مز و بوکون فن اثبات ایدیور که غنعات تاریخده عادات و تسکامل عاداتا عقل قدر حائز اهمیتدر . انسانلر بو تسکاملی تجارب متوالیه دن صکره اله ایتشلردر و ایشه بوکا بناء « عادت محکمدر » دنیلمشدر .

انسانلرک حرکات و افعالک ناظمی حیاتدر ؛ عقل دکلددر . علی ؛ احتراصات و احتیاجاتک بازجه سیدر .

فرانسزلر بو نوع قواعد اساسیه نی طایق سزین مثلاً قولیکلکی قالدیرمغه تشبث ایتدیلر ، فرانسزلری دینسز یا بمق ایتدیلر . حالوکه دین ؛ طبیعت بشریه ده موجوددر . انسانلر ابدیتده یشایه بیلیمک ، هر درلو آلامه کوکس کره بیلیمک ایچون دینه محتاجدر . عقل بو نوع حیات ایله مبارزه ده دائماً محکوم اولمشدر . چونکه دین قلبک او قدر درین گوشه لرنده درکه اوئی اورادن چیقارمق تمامیه قلع ایتیمک قابل دکلددر . اوراده قانلی بر عملیه دن صکره ینه تخملری موجود اولدیفندن شبه سز یکیدن نشوونما بوله جقدر . ایشه بو جهت بیلنم دیکندن بادی ؛ نظرده ظن اولندی؛ که بتون فرانسه اوج ، بش کشی کی دوشونوبور . و اونلرک هر بر حرکتلری افراد ملت نظرده خوش کورینور . حالوکه فرانسه قرون وسطی عالمنده بر جهالت ایچنده ایدی . قانون طبیعته مخالف اوله رق یاییلان بو خطا عکس تأثیر حصوله کتیره رک نتیجه ده فرانسه فتولیکلکی تکرار قبول ایتدی و بیوک بر طنطه ایله بتون کلیسالر آچلیدی .

ینه اختلال کبیر تجدد اتندن اولمق اوزره زادگاه مخصوص القاب قالدیرلدی . هر درلو رتبه و نشان الفا و بو صورته نوعاً بر مساوات حقیقه اعلان ایدلیدی . بواجرا آت دخی طبیعت بشریه نک بیلنمه مسندندر . بر مملکتده کن دینی رتبه دن ، آلایش و مراسمدن قور تاره ییلن قاچ کشی بولنه بیلیر . اوروپاده یک چوق فضلاً ، حکما بیله بو خصوصده ضعیفدر . بوکون بیله اوروپاده رتبه قالقش فقط نشان ینه موجوددر .

نشان، حکومتك اك بيوك بر واسطه تشويقيدر. بر نشان ايله انسانلر  
 پك بيوك فداكارلقلر، تحمملارينك فوقنده ايشلر كوردريديور. واضع قانونلر  
 دائما اي برفيزيولوژيست، بسيقولوغ اولملري لازمدر. ايشته بوتون بونلر نظر  
 اعتباره آلتديغندن طولاييدر؛ كه بالآخره بارونلق، قونلق، ماركلك  
 تكرار قبول ايدلدی و فرانسه ده بر صنف ممتاز ميدانه چيقدی. اقاييم اختلايله  
 اويله بر حاله كلدی؛ كه اونك ده كندينه مخصوص علم حال سياسي، علماسی  
 انگيزيتورلری، شهداسی اولدی. هر كيم او قواعدك خلافتده سوز سويلرسه  
 در حال مؤاخذه ايديلير و مرتجع عد اولنوردی.

حقيقت حالي تقدير ايدن افكار منوره اصحابك سائقه حب وطنه يازديني  
 مقاله لر، ويرديكي موعظه لر بر كنساه حيت اوله رق تلقی ايديلير ایدی. حالبوكه  
 بوده بر نوع استبداد، بر نوع انگيزيسوندر.

حریت حقيقه موجبنجه هر كس دوشونديكنی سويلمی، ايسته ديكنی  
 يازه بيلميلير. يوقسه قوجه برماتی عینی شيئي دوشونمكه، عینی فكري قبوله  
 اجبار ايدرسه ك اك بيوك استبداد اولور. اساساً ترقی اقوام فكر مخالفت  
 محصوليدر نته كيم بيغمبر من دخي «اختلاف امتی رحمة» بيورمشدر.

بو دورده انكلتره مقام اقتدارنده «ويليام پیت» ی كوريورز. پیت؛  
 باش و كالته كلديكي وقت انكلتره بودجه سنده اون مليون آچيق وار ایدی،  
 حكومت؛ آمريقا استقلالی محاربه سندن طولايی موازنه عموميه سنی شاشيرمش  
 ایدی. پیت؛ اول امرده موازنه ماليه نك تأمينه چايشدی، نه قدر فضله  
 مأمور وار ايسه آچيغه چيقاردی، مصارفاتدن تنقيحات بایدی. صوكره مملكتنده  
 جاری اولان قاجاچيغلك تكالیف باواسطه نك فضله نغدن نشأت ايتديكنی تقدير  
 و آدم اسميتك نظريه سنی قبول ايدرك بالخاصه احتیاجات ضروريه اوزرينه  
 مطروح وركوبی تنزیل ايتدی.

پیت؛ بواجرا آتدن ماعدا مستملكات اداره سنده دخي تمامی توسيع مأذونیت  
 اساسنی قبول ايدرك امرجه اهالی به كوره، مستملكاتك امرجه و احوال  
 اجتماعی نظر دفته آله رق بشقه بشقه ادارملره تابع طوتلی جهتی التزام  
 ايتدی. والحاصل انكلتره ترقيده بردوام ایدی. بناء عليه فرانسه اختلال كیری

انکلتريه ده بيوک بر هيچان توليد ايمدی . انکليزلر اساساً غایت محافظه کار بر قومدر ، مؤسسات اجتماعيه لرني غایت آغير وتدریجي بر صورتده تبديل وتعدیل ايدرلر . انکليزلر فرانسزلی بو حرکتلرندن طولايی تقبیح ایدیورلردی . حتی لوندرده بولان فرانسز مأمورلی حقارته دوچار اولور قورقوسيله سو قاغه چيقامیورلردی .

بو دورده انکلتريه نك ترقیاتی حقیقهٔ شایان حیرت بر درجه ده در . ترقیات فکریه پک زیاده توسع ایتمش ، اون سکزنجی عصر فیلسوفلرینک اثرلری ترجمه ایدلمش ، مورنینغ پوست ، دهیلی قرونیک و ۱۷۸۸ تاریخنده یعنی اختلالدن بر سنه اول مشهور تائمس غزته لری احداث ایدلمش ایدی .

المانیاده فرانسه اختلالی مدید آقیشلرله استقبال ایدلدی ، برچوق شهرلرده خاطرله اوله رق اشجار حریت غرس اولندی . آلمان مؤلفلرندن ( فیخته ) ، ( اردر ) دائماً اختلالی مدافعه وتقدير ايدرلر ایدی . فقط بالآخره کلان مورخین جدیده ، - رانکن وامثالی - اختلالی مؤاخذه ایتشلردر .

آلمانیاده افکار ؛ اختلالک لهنده اولغله برابر ایمراطور ایکنجی فرمدریق کیلوم ، آوستریاده ایکنجی لئوبولد وروسیده قاترینا اختلاله قارشى اتحاد ، اتفاق ایتشلر ایدی .

اختلاله قارشى اتفاق ایدن بواوچ دولت تاریخ عالمده بیوک بر فاجعه ارتکاب ایتدیلر ، لهستانی تقسیم ایدیلر .

لهستانک ایلک تقاسمه سندن صکره لهیلرده اتباه افکار حاصل اولمش ایدی . فرانسه علماسندن اصلاحاته ، تربیه افکاره دائر پروژه لر طلب ایتشلر ، بر مدت صکرده مورخلره ، شاعرلره مالک اولمشلر ایدی . اک مهم اجرا آدن اولق اوزره قانون اساسی یکیدن ترتیب وتنظیم ایدیلرک اولجه مجلسک حائز اولدینی ( و تولییه رو ) - که اضمحلاللرینک اسباب وسوائقتدن بریدر - رد ایدلدی ، سلطنت ؛ وراثت طریقيله اکبر اولاده انتقال ایدمچکی اعلان وزادکانک امتیازاتی رفع ایدلدی .

مجلسه قارشى مسئول برهئت وکلا تشکیل اوله رق قوهٔ اجرائیه بوکا ویرلمش والحاصل لهستانی قوتارمق ایچون نه ممکن ایسه یاپلش ؛ نه چاره که وقت وزمانی

چو قدن کچمش ایدی ، اصلاحات تام زماننده دکلدی . چونکه اطرافنده کی قومشولر میراننه قونمغه قطعاً قرار ویرمشلردی .

( دانیچینگ ) و ( تورهن ) مسئله سندن طولانی یوقازیده ذکر یکن حکومتلر بلداخله لهستانی تقسیم ایتدیلر ، حق ؛ قوته قارشى مغلوب اولدی . انسانیت ازمئه ابتدائیه دئیری دائماً قونک زبون و محکومی اولمشدر . ایشه بولهستان فاجعه تاریخیه سی ده بونک بر مثالدر .

بزینه فرانسیه رجوع ایدلم :

فرانسیه ده روبهرس بیرک سقوطنی متعاقب دهشتک اشکال مختلفه سی دوام ایدیوردی . مثلاً : سلامت عمومیه قومیتیه سی ، امنیت عمومیه قومیتیه سی ، محکمه اختلال ، اختلال قومیتلری ، ژاقوبه ن قلوبی بتون بونلر موجود ایدی . فقط یواش یواش بونلرک اهمیتی قلامغه باشلامش ، اداره قدیمه نك اخلاق وعاداتی یکیدن باش کوسترمش ایدی . صالونلر کشاد ایدلمش ایدی ، مادام دمسئایل و مادام ره قایمه ، کوزل و نامدار نسوانک صالونلری افکار مفرطه اربابنه بر مرکز اجتماع اولدی ، پی در پی بعض زادکان صالونلری ده آچیلدی ، قرالیت فکری هنوز دهشته قارشى برعکس العمل فکری آلتنده کیزلشمش ایدی . ینه بوانلارده بر طاقم زادکان تیاترولرده بالولر ویرمک بورالرده اقرباستدن بغیر حق اعدام ایدیلرک اوصاف و مزایایى تعداد اولنور وخلق طرفندن آلقیشلرله قبول ایدیلوردی .

واقعا بشاسون قرال فریادی پک آرایشیدیلوردی . فقط کبرسون ژاقوبه نلر ، قهر اولسون آنارشیتلر صدالری هر یرده یوکسیلوردی .

مارا ، قایل ده مولنک هیکللی سواقلرده ، اولرده قیرلغه باشلادی . بالآخره مارانک نعلشی یانته تون معبدندن چیقازلدی . والحاصل حکومت ؛ بر طرفدن قرالیت طرفدارلری دیگر طرفدن دهشت مروجلری ایله مبارزه مجبور اولیوردی . بوانئاده فرانسه خسته ایدی ، هیئت عمومیه سنده برمرض روح حکمفرما ایدی . هر طرفدن ضرورت ، سفالت آوازه لری یوکسیلور و بو حال عصیانلری تولید ایدیوردی . بوانئاده بوتون بوحوالدن استفاده ایدن بر آدم پیقیدی .

محاربه کرده قزاندینی مظفر بتلر اوزرینه افکار عمومیه کنديسنی پرستنه باشلامشدى . بوتون غزتهلر ناپوليونك اك كوچوك سوزنى ، اك اهميتلىز حركاتنى اعظام ايديورلر ، ناپوليون بوناپارطه ستايشلر ياغديرسيورلر ايدى .

( سى يهس ) كچي رجال سياسيده اداره مك تبديلى ارزو ايدييور وبونك ايجون ناپوليونى بر آلت اوله رق قوللانمق ايسته يوردى . ناپوليون ايسه فرانسلرله خطاباً نشر ايتديكي بياننامه لرده بن فرانسه يي نصل ترك ايتدم . نه حالده بولدم . بونه سفالت ! دييور و خالقى حكومت عليه نه تشويق ايدييوردي .

ناپوليون بوناپارط فى الحقيقه تيجه ده نائل مرام اولدى . بر كون مجلس عمومى يي الده ايتديكي عسكرله احاطه ايدرك اعضاى سونكولرله طيشارى به چيقارتدى . تاريخده ۱۸ برومر حادثه سى ناميله معروف اولان بو وقعه دن صكره قونسول اداره سى باشلايور . بعدما فرانسه ( سى يه يسى ) ، ( روژه دو قوس ) و ( ناپوليون ) دن مركب اوچ قون - ول معرفتيه اداره اولنه جق ايدى .

ناپوليون آوستريانى ايتالياده مغلوب ايدرك عقد ايتديكي « قامبو فورميو » معاهده سيله بايجقايى آلمغه موفق اولمش ( ۱۷۹۷ ) و بوكا بناء فرانسه به آلتيشلر ايله قبول ايدلمش ، فقط ايمكار عموميه مك بوضورتله كنديسنه اولان تمايلندن قورقارق حكومت ؛ اونى فرانسه دن تبعيد ايجون مصره سوق ايتمش ايدى . دوستلرندن فرانسه مك احوال عموميه سنه دائر آلديني زورناللر اوزرينه فرانسه ده بيوك بر رول اويشامق اوزره مصرى [ جنرال قله بر ] ه ترك ايدرك عودت ايتمش و ايسته بو دفعه كنديسنه اولان توجه عموميدن استفاده ايدن ناپوليون تنظيم ايتديكي يكي قانون اساسى ايله بوتون حكم و نفوذى اله آلمش . قونسول اداره سى دخى بوقانون ايله وضع ايدلمش ايدى .

« غازمت دو فرانس » ك بر فقره سى واردر : دوائر بلديه مك بريسنده بويكي قانون اساسى اوقونوركن مستمعلر دن برى ياننده كه « هييج برشى اكلايه مدم » ديمش . مخاطبه ده « همان هييج بر ماده سنى غائب ايتدم ، هينى ايشيتدم . فقط بويكي قانون اساسيده نه وار ؟ » ديه صورمقله اوده جواباً « نه اوله جق ، ناپوليون وار ! » ديمشدر . ايسته بوققره دن ده اكلاشلدني وجهله ناپوليون بوتون نفوذى اله آليور . قوه اجرائيه اون سنه مدته منتخب

اوج قونسوله تودیع اولنیور ، ایلك دفعه اوله رق فرانسه ده شورای دولت تأسیس ایدیلیور . اداره مرکزی ده عدلیه ، خارجیه ، حربیه ، داخلیه ، مالیه ، مستملکات و ضبطیه نظارتلرینه تفریق ایدیور .

ناپولیون؛ توالی ایدن مظفرتلریله پیدربی دائرة نفوذینی توسیع ایدیور . مثلا سرای؛ اداره قدیمه اولدینی وجهله مططن ، مدبب برشکل آلیور ، قرالک معیتده اولدینی کبی ناپولیونک معیتده ، امری آلتسده دخی بر جوق بندکافی ، فاوورستری بولنیور ، لهژیون دونور نشانی احداث اولنیور . آوستریا ایله « لونهویل » و انکلتره ایله عقد استیک « آمین » معاهده لری اوزرینه فرانسزلر اول امرده کندیسنی قید حیات شرطیه قونسولوس ( ۱۸۰۲ ) تعیین وبلاخره ایمراطولغنی قبول ایدیورلر ( ۱۸۰۴ ) .

فرانسه نك تجاوازانسه قارشى اك زياده شدت ابراز ایدن ، هيچ بروجهله بورولميان فتورونوميدییه دوچار اولميان دولت انكلتره در . مشهور اميرال ( نلسون ) فرانسه متفقلىرىك اله كچيردكلى بتون سفائى ضبط ایدیور . واقعا ناپولیون ( ۱۸۰۲ ) تاريخنده انكلتره ایله « آمین » ده عقد مصالحه ایدیور وبو معاهده ایله انكلتره سيلان وتره تیه دن ماعدا بوتون فتوحاتی اعاده ایدیور ، ( قاب ) سربست برلمیان اوله رق اعلان ایدیور . جزائر سبعه روسیه ودولت علیه نك تحت حمایتده برجهوریت اوله رق تشكیل ایدیور . فقط هر ایكى طرفك ده املى يكديكرینی محو ایتك اولدیغندن بو مصالحه پك آز دوام ایدیور .

ناپولیون؛ عسكرك احوال روحیه سنه تمامیه واقف اولدیغندن عسكرونی برالله کبی تلقی ایدیور . ناپولیون عسكرك چورباشی ایچیور . دائما رسم کچیدلر یاپدیریور ، محاربه ده بیوك فداكارلقلر کوسترن ضابطانه ، نفراته کندی کوکسندن نشانلرینی چیقارهرق طاقیور ، حادق تیرمین برنفره خوش کورونك ایچون آرقه سندن قیوطنی چیقارهرق کیدیریور وبوتون شو حرکتلر عسکری ناپولیونه قارشى جیلدیرتیور .

تاء واترلو محاربه سنه کلانجهیه قدر ناپولیون اردونك فضائل عسکریه سنی

بحق محافظه ایتمش فرانسه بی شان و شرف عسکری ایله طولیدر مشدر . فقط ناپولیوندن طولاییده اورواده (۷) میلیون کشی هلاک اولمشدر .  
 ناپولیون بوناپارطک ایمپراطور لغی متعاقب اورو پادولترلی طرفندن کندوسنه قارشى بر اتحاد وقوعه کلور . بردفعه انکلتره ، اوستریا ، روسیه اتحادی باشلايور . ناپولیون متفقلاردوسنی « اوستریلیج » ده مغلوب ایدیور (۱۸۰۵) یکر می بیک اسیر ، قرق یایراق ویوز قرق طوب ضبط ایدیور . « اوستریلیج » مظفرتی ناپولیونک الک بیوک مظفریتلرندن معدوددر . حتی عسکره خطاباً :  
 « عسکرلر ! سزدن ممنونم ، بکله دیکم جسارت و قهرمانلی ایشته اوستریلیج محاربه سنده بحق ابراز ایتدیکز . منم طرفندن ایشته بر قهرمان ! خطابنه نائل اولقی ایچون « اوستریلیج محاربه سنده بولندم » دیمه کز کفایت ایده جکدر » دیمشدر .

دها صکره لریده بر طاق اتحادلر وقوعه کلور سده ناپولیون بونلریده بریشان ایدیور . پروسیا جنرالی « هوه نلوه » فرانسه اردولرینه « اییه نا » ده مغلوب اولسی اوزرینه ناپولیون برلینه کیریور (۱۸۰۶) .  
 روسیه جاری برنجی علکساندر ایله ناپولیون آره سنده انکلتره به قارشى عقد اتفاق ایچون « تیلست » و « ارفورت » ده ملاقاتلر وقوعه کلور . برنجی علکساندر و ناپولیون بوملاقاتلرده خریطه علمی ایستدکلی کبی تقسیم ایدیورلر ، یالکز استانبولک تقسیمنده ائتلاف حاصل اوله میور . روسیه استانبولی ، اولاح ، بغداد و بلغارستانی ؛ فرانسه دخی بوسنه هر سک ، آراوودلیق و یونانستانی ایستیور . ناپولیون بوناپارط استانبولی چاره ویرمکه برابر فرانسلرک چناق قلعه ده یرلشمه لرینی شرط ایدیور . فقط چار بونک بر آوی وروبده اماختارینی ویرمه مک قیلندن اولدیغنی بیان ایله رد ایدیور . ناپولیون مذاکرته تأمین موفقیت مقصدیله المانیاده ، ایتالیا ده نه قدر بندکانی وار ایسه — قرال ، زادکان ، برنس — جمله سنی دعوت ایدیور . بونلر ناپولیونه عرض عبودیت ایچون شتاب ایدیورلر . بوتون بونمایشلردن ماعدا ناپولیون فرانسه نک الک مشهور صنعتکارانی ، آقورلرینی ده دعوت ایدیور . او زمان فرانسه نک الک مشهور آقوری بولنان « تالمان » هر کجه حکمدارلره فرانسلر

په ساری اویاتایور. فقط چار بر درلو اقلع اولمه میوردی. حتی بر کون مذاکره سالونده ناپولیون موفق اولمه مسندن طولانی حدت ایدمک شایقه سنی یره آتمش و چیکنه مش، علیکساندر بونک اوزرینه « سن قیزغین، بن معند؛ اکلانشیلورکه اویوشه میه جغز. بن کیدیورم » دیبه رک قویه طوغری کیشمش و ناپولیون پایدینی شو معامله غیر لایقه مسندن طولانی نادم اوله رق طلب عفو و مجبور اولمشر.

ناپولیون، چار ایله عقد ایتمکی تسلیت معاهده مسندن تمامیه مستفید اولمش، معاهده مک کدیسنه بخش ایتمکی حقوقه تمامیه نائل اولمش اولدینی حالده روسیه به هیچ استفاده ایتمیرمه مشدر. با خصوص بالاخره ناپولیون ایله روسیه مک آره سی بوزولمش اولغله چاره دخی حدی بیلدرمک اوزره روسیه به اعلان حرب ایدمش ( ۱۸۱۵ ) فقط موسقوا سفری ناپولیون ایچون موجب فلاکت بر سفر اولمش ایدی.

موسقوا اخشاب بر شهر ایدی، روس مأمورلری خزینه دولته نه قدر الزم شیلر وار ایسه جمله سنی چیقارمشلر. شهرک ایچنده کی بتون طلوملری محو ایدمک شهرک نقاط مختلفه سنی طوتشدر مشلدر. ناپولیون موسقوا به کلنجه رجعه مجبور اولمش و آوندن اعتباراً خشیت انداز جهان اولان دهاء عسکریسک شعشمه اقبالی سونمشدر. ناپولیونک مغلوبیتی متعاقب دول متحده اردولری، باشده چار آلکساندر اولدینی حالده، نهایت پارسه کیردیلر ( ۱۸۱۴ ) و اون سکزنچی لوئی بی تحته اجلاس ایتمیلر.

ناپولیون سلطتدن فراغت ایتمک ایچون بر چوق مباسارمه لری ایتدی. هنوز قوه عسکریه سی بر کمال اولدیغندن پایدینی پلانله توفیق حرکت ایدلمکی صورتده بتون دول متفقیه قارشی احراز ظفر ایدلمه جکی تأمین ایدلدی. فقط نتیجه ده اونلری اقتساع ایدمده دی. حتی ناپولیون او درجه متأثر اولمشدی که کندینی زهرلمکی بیله دوشوندی. نهایت فداکار عسکرینه وداع ایتدی، انسانی وداعده بوتون عسکر اغلاش میوردی. ایلمک پارس معاهده سی ناپولیونه ( آلیا ) اطه سی حاکمیتی ویردی.

ایشته عصرک جهانگیری نهایت بوکوچوک اطه مک حاکمی اولدی.

نابولیون بوراده برمتصرف کی ایفای وظیفه ایدمرك اطمنك عمران وترقی و حیات اقتصادی سی ایچون بر چوق اجرا آتده بولندی . فقط اون سکزنجی لوئینك فرانسه ده کی سوء اداره سی و بر موجب معاهده کندیسنه و برلسی ایجاب ایدن ایکی میلیون فرانك زماننده تأدیه ایدلمه سی و زوجیه سیله اوغلنك و یانه ده بر اقیلوب استرحامتنه رغماً یانه ، آلا اطمنه ، کوندرلمه سی بو او یویان آرسلائی قودورتدی . نهایت بر کیجه آلا اطمندن معتمدگی بر قاچ یوز عسکرله انکلیز کیلرینه کورونمکترین فرانسه ساحلنه چیقدی .

نابولیونك تکرار فرانسه یه عودتی و یانه قونفره سی اعضاسنی واز جمله فرانسه حکومتی شاشیرتدی . چونکه فرانسه کویلیلری بونجه مصائبه رغماً ینه نابولیونه مربوط اولدیغندن جمله سی نابولیونی آلفیشلابور ، اونك هر کتیدیکی شهر ویا کوی تزیین ایدیلور ، دوناتیوردی .

حکومت مرکزیه نك نابولیونی اسیر اتمك ایچون کوندردیکی قوه عسکریه هیچ برشی یابه ماش ، عسکرک ریاستنده بولنان مارشال ؛ نابولیون مفرزه سی کورر کورمز کندندن کچمش وایشته نابولیون ، آتش دیبه باغیرمشدی .

فقط عسکرک اللری تیره یور ، هیچ بری جنراللرینه قارشى سلاح آته حق قوتی کندنده کورمه میوردی . نابولیون فرانسلرک احوال روحیه سنه تمامیه واقف اولدیغندن بر قاچ آدیم ایدرله ماش وعسکره خطاباً : جنراللرینی اورمق ایسته یلره قارشى ایشته کوکم دیهرک قلبی کوستریور ، بونك اوزرینه عسکر هر شیئی اونوده رق یشاسون ایمپراطور دیبه نابولیونی آلفیشلابور . نهایت اون سکزنجی لوئی فراره مجبور اولور و نابولیون کیجه ساعت ایکده [ نوشه ری ] سراینه کیریور .

فقط نابولیونك بو ایکنجی سلطنتی ده موقت ایدی . چونکه اروپا اونى آرتق قطعاً محوه قرار ویرمشدی ، [ واترلو ] میداننده بروسیه و انکلتره اردولرینه قارشى نابولیون عسکرینك مغلوب اولسی بو ایکنجی سلطنته خاتمه چکدی . اگر نابولیون [ واترلو ] ده موفق اولسه یدی شهسزینه برفانده سی اولیه جق و اونى محو ایدمك بشقه واترلور وقوعه جق ایدی ، چونکه بتون اروپایه قارشى مساوت امکان خارجنده ایدی . نابولیون

بو مغلوبیدن صکره الك قوی دشمنی اولان انكلتریه النجاهی مجبور اولدی ، انكلیزلر اوکا بر اسیر حرب معاملہ سی ایدہ رك [ و ملہ فون ] کمیسنه اركاب ایتدیلر و [ سنت آلن ] اطہسنہ کوندردیلر . قوجه داهی بقہ حیاتی سنت آلہندہ کچیردی وجهانی کندینہ طار کورن ناپولیون بواسارتہ آنجیق بش سنہ مقاومت ایدہ بیلدی .

ناپولیون دورینک مؤسسات عسکریہ ، سیاسیہ و ملکیہ سی پک مہمدر . فرانسدہ الیوم احکامی مرعی اولان قانون مدنی زمانندہ اعلان ایدلمشدر . کندیس حقوقه واقف اولمدینی حالہ قانون مدینک تنظیمندہ بولنمش ورا بیدن پک چوق استفاده ایدلمشدر .

ناپولیون بوناپارط جزا و اصول محاکمات جزائیہ قانونی تعدیل ایتدیکی کبی شورای دولتکده اساسی وضع ایتمش ، دارالفنونی الہیات ، حقوق ، طب ، ادبیات اولوق اوزرہ ایلک دفعہ اولہرق فاکولتہلرہ تقسیم ایتمش و شیمدیکی دارالمعلمین عالیہی دم تأسیس ایلشدر .

ایمپراطورلنی زمانندہ اوروپادہ پک چوق علما وادبا ظهور ایتمشدر . فرانسدہ مادام دوستانل ، بن زامن ، قونستان الک بیوک ادیبلردن معدود اولدینی کبی انكلترہدہ آدام اسمیت وروبر مانتوس کبی مقتصدلر ، المانیادہ شیللہر ، گتہ ، هہکەر ، فیحتہ ، شلینغ کبی فیلسوف وادیبلر بیتشمشدر .

۱۷۸۹ تاریخندہ ویانہ قونفرہ سنہ قدر اوروپادہ جریان ایدن وقایع مشهورنی تدقیق ایتدک . شمدی دم دولت عثمانیہ نک بودورده کی حیات سیاسیہ سندن بر نبذہ بحث ایدہ لم .

۱۷۸۹ تاریخندہ دولت علیہدہ سلطان سلیم ثالثی موقع اقتدارہ کلش بولورز . دولتک روسیہ ایلہ اولان محارباتی ختام بولہرق یاش معاهدہ سی عقد اولمش [ ۱۷۹۲ ] و بر موجب معاهدہ [ دینہ ستر ] نہری حدود اتخاذا ایدلمش ، دیگر طرفدن رومانیالیلرہ وریلان امتیازات دخی تایید واحکام اولمشدر . ینہ بومعاهدہ موجبہجہ دولت غرب اوجاقلرینک تعدیاتہ قارشنی روس سفائن تجاریہ سنی محافظہ ومدافہ ایدہ جکفی وعد ایدیور .

سلیم ثالثک زمان سلطتی مہالک ومخاطرات ایلہ محاط بردور بحر اندر .

کرچه ناپولیون ایله مناسبات دوستانه باشلامش ، روسیه یه قارشى حرکت ایتک اوزره ناپولیون ایله برچوق مخبرات وقوعه گلش ایسه ده دیگر طرفدن انکلتزه حکومتی ده فرانسه ایله حال حربده اولدیغندن دولت عثمانیه نك ناپولیونله اتفاقه قارشى باب عالی یه اعلان مخاصمه ایدره ك دوغمانسنى چناق قلعه دن ایجری یه صوقیور ونا ایستفانوسه قدر کلیور .

بالآخره ناپولیون مصری استیلا ایدیور ، فرانسرلرک مصری تحلیه سیله برابر محمد علی مصر والیکنه صعود ایدیور ، دها صکره وهابی غلله سی ظهور ایدره ك مکه ، مدینه الدن کیدیور وحج بولی مسلمینه سد اولیور ، روم ایلینك قسم شرقیسنه تحکم ایدن بلغارستانك اویاتمنه سبب اولان بازواند اوغلی [عثمان اغا] عصیان ایدیور . ایشته ممالک عثمانیه نك نقاط مهمه سی آتش عصیان ایچنده یانوب قاورولیوردی . سلیم ثالث حضرتلری ترقیورور برحکمدار ایدی . او اتاده درسعادتده بولنان سفرانك دولت متبوعه لرینه قارشى یازدقلى مکتوبلر اوقونورسه هپسى کنديسك اقتدارى ثنا ایتدکلى کورولور .

ایلك دفعه اوله رق نظام جدید عسکرى وضع ایتش ، مکتب حربیه ومهندسخانه یی تأسیس ایش واصل مملکت ایچون مناسمى ملحوظ کافه تشبثاتده بولنش ایسه ده وا اسفاکه بو اصلاحات برچوق منفعترستانك ، فساد پیشکانك ایشته گلديکندن تاریخ عثمانیه پك بیوک برلکه اولان عصیان ظهور ایتش در .

عصیان ایلك اول بوغازلرقلعه لرندن باشلامش وسرکرده [قباجى مصطفى] دلالتيله برچوق متعصبلر ، متغلبین ، دره بکدر دخی اصلاحات علیه قیام ایتش ، نهایت لوٹ عصیان درسعادتده کی بوتون او جا قلمده سرایت ایتشدى .

سلطان سلیم ثالث رحیم ، ضعف قلبه مالک اولدیغندن عصیانى تسکین ایدمه مه مش ونهایت مسئله کنديسك خلعیله ختام پذیر اولمشدر . سلطان سلیم ثالث خلئى اوزرینه سلطان مصطفى خان رابع تکرار مقام سلطنته کلیور وبونکله برابر مراسم قدیمه کاملاً اعاده اولیور . شوراسی شایان اهمیتدرکه دولت عثمانیه [۱۷۳۳] سنه میلادیه سندن برى اوروپا قون عسکریه سنى مملکته ادخال ایتک تشبثده بولنش در ، سلیم ثالث تشبثی بشنجی ایدی . بوتشبتك دخی بویه

عدم موافقتش نتیجه نفعی دولت ایچون پک بیوک ضایعاتی موجب اولمش و اصلاحات عسکریه ایچون دها [ ۱۷ ] سنه بکله مک ایجاب ایتشدر .

سلیم ثالث مقام سلطنتدن فراغتی اوزرینه ناپولیون بوناپارط بیه متأثر اولمش و بو خبری طویارطویماز « ذاتاً بوبار بارلره برشی یا یماز ، قدرخی اونلردن آریبور . بن کندی منفعتی تأمین ایچون اونلرک علیه اویشمغه مجبورم » دیتشدر . فی الحقیقه یوقاریده کوردیکز وجهله چارایله تیسلیت معاهده سنی عقد ایتمش ضرر مزه اوله رق اتفاق ایتشدر . بواتفاق اوزرینه روسیه بزه اعلان حرب ایتدی . بودقه انکلتزه معاونتمزه شستاب ایلدی ایسده دولتک اداره و قوای عسکریه سی حال پریشانیده اولدیفندن بو محاربه دمه مغلوب اولدق .

بالاخره ناپولیون ایله روسیه نك آراسی آچیلمش و « موسقوا » سفری باشلامق اوزره ایکن باب عالی یه ناپولیون طرفندن وارد اولان مکتوبلرده حرب نهایت ویرلیه رک بر آز ثبات و متانت توصیه ایدلمش ایسده نتیجه ده بکرش معاهده سنی عقده مجبورت حاصل اولمش [ ۱۸۱۲ ] و بر موجب معاهده خوتین ، آفکرمان ، بندر قلعه لری روسیه یه ترک ایدیلرک بروت ضویندن حدود کیلمش و مملکتین حقننده ده عهد سابقه تأیید و تحکیم ایدلمشدر .

سلطان مصطفی خان رابعک زمان سلطنتی ده پک مظالمدر . اداره دولت تذبذب ایچنده ، مملکتده باشند اشاعی بر آنا رشی حکمفرما ایدی . نه قدر اجلاف و ارادل و ارسه جمله سی بر دره پک اولمش ، ظلم و غدر لرله بیچاره اهالی زبون و محکوم سقالت اوله رق اصرار حیات ایلکده ایکن روسیجق یارانشک الفا آتیه علمدار مصطفی پاشا در ساعته کلش و سلیم ثالثی تکرار اجلاس ایتک ایسته مش ایسده مع التأسف موفق اوله مش چونکه مصطفای رابع قورقوسندن سلیم ثالثی اولدیرتمشدر . بو پک آجی برفاجه تاریخیه در .

علمدار سرایه کیردیکی زمان پادشاهک نعش مبارکینی کورمش و پک چوق تأسف ایتشدر . خاندان سلطنتدن یالکز سلطان محمود خان ثالثی قالدینی جهته علمدار مقام سلطنته سلطان محمودی کتیرمش و کندی سی ده مقام صدارتی احراز ایتشدی . علمدار اول امرده اصلاحات علیهنده بولنانلری تأذیب ایده چیکی برده سفاهته طاله رق دولتک اداره سنده یه تذبذب باش

کوستریور و بالتیجه یکجری عصیان ایدرک باب عالی به محاصره ایدیورلر .  
 علمدار باب عالیده بر مدت محاصرینه قارشی مدافعهده بولندقدن صکره  
 ججانه به آتش ویره رک کنیدیسی ایله برلکده محاصرینی اوچوریور . محمود  
 ثانی بو اختلالدن فوق العاده قورقهرق مقام سلطنته مصطفی خان رابع کله جک  
 قورقوسیه سلطان مصطفی بی بوغدیریور . بوضورتله سلطان محمود ثانی ک استادی  
 سلطنتی پک بریشان وقاریشیق یکمشدر .

وهابی غائله سی سببیه حرمین مسدود ، سوریده جزار احمد پاشا ، مصرده  
 محمد علی پاشا ، بلغارستانده پازواند اوغلی حال عصیانده وبتون بلغارلر حیدودلغه  
 سالک اولدقلری کبی یاش معاهده سندن صکره روس اردوسنده ایفای خدمت  
 ایدن بلغارلرک قسم اعظمی مملکتلرینه عودت ایتیمه رک روسیه ده توطن ایدیور  
 و اورادن همشهریلرینی اختلاله دعوت ایدیورلر ایدی . قره طاغ بستیون  
 مستقل برحاله ایدی صربلر دخی یکجریلرک مظالمندن طولایی عصیان ایتشلر  
 و بو عصیان ( قره یورکوویچ ) و بالآخره ( میلوش اوبره نوویچ ) طرفلرندن  
 اداره اولمش ایدی .

دیگر طرفدن رومانیه ده بر انتباه دوری باشلا یور ، بتون زادکان  
 فرانسرجه بی اوکره نیور و فرانسرجه قونوشیور . ایلك دفعه اوله رق رومانیا  
 تاریخی یازلغه باشلا نیور .

یونانیلره کمنجه بولدرده پیدر پی در سعادتده فرانسر تجارتنک مقامه قائم  
 اولیورلر ، بتون تجارلر استحصالی ایتدکلری ثروتک بر قسمی برکون محاربه  
 استقلال ایچون معاونت نقدیده بولمق اوزره حفظ ایدیورلر . اوروپانک  
 بر چوق شهرلرنده از جمله اوده سا ، آنقونا ، مارسلیا ، پارس ، موسقو واده  
 یرلشن یونانیلر وطنداشلرینک سلامتی ایچون هر درلو فداکارلنی کوزمه آله رق  
 بر چوق یارملر کوندریورلر ، اوروپا عالم سیاستنده دوستلر قزاقق املیه بر  
 چوق ارباب سیاست و قلمی کنیدیلرینه جلب ایدیورلر . فرانسه اختلال  
 کیرینک تولید ایتدیکی انتباه فکری انتباه سیاسی به منقلب اولمش و فی الحقیقه  
 موره عصیانده اختلال کیرک پک بیوک تأثیری اولمشدر . حتی بر چوق یونانیلر  
 ناپولیون اردوسنده مصر سفرینه اشتراک ایتشلردی .

والحاصل بزى شمى به قدر اشغال ايدن بالقان وقایع سياسيه سنك بوتون تخملى سلطان محمود نایك زمان سلطنتنده سربلشمدر .

## ویانه قونفره سی

ویانه قونفره سی؛ عقد ایدیلان قونفره لرك الك بیوکی واك مهمیدر. قونفره ۱۸ تشرین ثانی ۱۸۱۴ تاریخنده انعقاد ایتمش و ۹ حزیران ۱۸۱۵ تاریخنده طاغیلشمدر .

ویانه قونفره سنده ایکی یوز قدر مرخص وار ایدی . بوکا بنساء ویانه حکومتی قونفره نك نتیجه سنه قدر بر چوق بالور ، صیدو شکارلر ، شنلکلر ترتیب ایدرهك بك بیوك فداکارلقلر اختیار ایتمش ، یوز قرق ملیون صرف ایتمشدر .

قونفره ده روسیه نك نه سیروود ، انكلتره نك قاسته لری ، بروسیه نك هاردمله رخ ، آوستریانك مه ترسیخ ، فرانسه نك تاله یران کبی جهانك الك بیوك دیپلوماتلری بولیوردی . فرانسه نك بو قونفره ده موقعی بك فنا ایدی . چونكه ۱۸۱۴ ده پارس معاهده سنی تنظیم ایدن دول متفقہ فرانسه یی ۱۸۹۲ تاریخنده کی اسکی حدودینه ارجاع ایتمش ، اون سکزنجی لوئی سلطنتی و صایت آلتنده بولندیرمق وفرانسه نك بلجیقاورهن حدودینی تجاوزینه مانع اولمق ایچون هر درلو تداییرك اتخاذینی تحت قراره آلمش ایدی . ایشته بو اسبابه بناء فرانسه حکومتی ویانه قونفره سنده شاهد صفتیله بولنه جق و پروتوقوللری امضادن بشقه برشی یابامیه جق ایدی . فقط تاله یران ؛ عرفان و ذکاسی سایه سنده دول متفقہ نك بوتون پلانلرینی آلت اوست ایتدی وقونفره ده بك پارلاق روللر ایفا ایلدی .

ویانه قونفره سنده لهستان مسئله سی موضوع بحث اولدی . مرخصلر حریت وجدان وحریت مذهبییه رعایت ایتمک شرطیله لهستانك تقسیمنی تصدیق ایتدیلر ، وارشوه غراندوقه لنی روسیه یه ترك اولنهرق لهستان قرالانی تشکیل

ایدلی . روسیه جاری وار شوه ده لهستان تاجنی کیه جک ایدی . لومباردیا ، وندیک آوستریا به الحاق ایدلی . باچینا ؛ فلمنک ایل به برلشدرلدی .

المانیایه کلنجه : پروسیانک حدود قدیمه سته اعاده سی ایل به برابر ساقسونیادن بر پارچه توسیع مالک الیسی قبول ایدلی ، یکی بر المان هیئت متفقہ سی وجوده کتیرلدی . آوستریا ، پروسیا ، دانمارقه ، فلمنک بوهیته داخل اولدیلر و بونلرک مصالح مشترک لری ایچون فرانقفورته بر دیهت مجلس لری اوله جق ایدی . ساردونیا ، جنوره و صاووانک بیه مونته علاومه سیله ساردونیا قراللی تشکیل ایدلی . مودن دوقلنی آرشیدوق فرانسوایه ، طوسقانا دوقلنی آرشیدوق فردینانده ، سچیلیاتین عنوانی ایل ناپولی قراللی دردنچی فردینانده اعطا ایدیلور ، اسوچ ایل نورووچک برلشمه سی ، پومیرانیانک دانمارقه ترکی ، قراقووی نامیله اوفاق بر حکومت تشکیلی ، باچیقایه لوکسمبورگک اعاده سیله فلمنک قراللی ، اسویچرمنک تشکیلات جدیده سی یعنی بی طرف اولمی ، جزائر سبعمک انکلترمنک حمایه سنده بر حکومت حاله افرانگی قبول و تصدیق اولیلور ؛ ایشته ویانه قونفرمی اوروپا خریطه سی شو صورتله چیریوردی .

ویانه قونفرمی بوتون بوتقسیمات ایل به برابر حقوق دوله عائد بعض احکام دخی وضع ایشدر ؛ که سفرانک درجانه تقسیم ، اسرای زنجیه تجارتنک منی ، بین الملل انهارده سربستی ، سیروسفراصولنک تطبیق بوجه دندر .

حقوق دولک — تدریجی — تکاملی اعتباریله فرانسه اختلال کیری پک حائر اهمیتدر . حضور قانونده شریف ایل فقیرک مساواتی ، اسارتک العالی ، حریت وجدانک اعلائی ، تشکیلات سیاسیه اعتباریله اقوامک امتیازاتی کی افکار عالیجنابانه اختلال کیرک آتارندندر .

صکره بنه بودورک حقوق دوله عائد مسائل متحدن سندن اولمق اوزره شونی ده بیان ایدم ؛ که انکلتره حکومتی ؛ ناپولیون بوناپارط ایل مبارزه سنده دول سائرینی فرانسه ایل تجارتدن منع ایدی . ناپولیون ده بوکا مقابل [ بلوقوس قوتینانتال ] اصولیله بوتون اوروپا لیانلرینک انکلز سفان تجارتیه سنه قارشیه مسدود اولدیغنی اعلان ایدی . دیگر طرفدن سفان تجارتیه نکل مصادره سندن طولانی اسوچ ، دانمارقه ، پروسیا و روسیه دولتلری آره سنده

مسلمح بی طرفلق تشکیل ایدیلهرلك قورصانلر حق تفتیش سفائنه مالك دكلدر ، حق تفتیش سفن حربیه به منحصردر ، اكر سفان تجاریه حرب كیلرینك تحت محافظه سنده اولورلر ایسه ایکی قوماندان معرفتیله اوراق سفینه نك معاینه ایدلمی وشبهه حالنده تفتیش ؛ محافظ سفینه معرفتیله برضابطه رفاقتده اجرایی ، توقیف ایدیلان کیلرلك محكمه طرفندن مصادره سنده حکم ایدلمزسه تضمینات اعطاسی کبی بعض قواعد وضع ایدلدی .

تاریخ حقوق دولك فرانسه اختلالندن ویانه قونفرم سنده قدر ۱۷۸۹ ایله ۱۸۱۵ تاریخلری بینده کی دور بوراده ختام بولیور . بودورده یتیشن مؤلفیندن قانت ، ژورژ فرمدریق دومارتنس . قوخ وضوینی ذکره شایاندرلر .

•••

۱۸۱۵ تاریخندن زمانمزه قدر اولان دوری ده برطاقم ادوار تاریخیه تقسیم ایتمك ایجاب ایتدیکندن هیچ اولمزسه ویانه معاهده سندن یارس معاهده سنده وبارس معاهده سندن برلین معاهده سنده وبرلین معاهده سندن زمانمزه قدر اوچ دوره تقسیم ایدلم :

### یذنبی دور

ویانه معاهده سندن یارس معاهده سنده قدر

( ۱۸۱۵ — ۱۸۵۶ )

آورویا خریطه سی ، یوقاریده کوردیکمز وجهله ، ویانه قونفرم سنده تنظیم ایدلدکن صکرم حکمدارلر تأمین موقعلری چارمسی دوشونمکه باشلادیلر و بوفکرلرله آوستریا ، پروسیه ، روسیه بیننده بر اتفاق مقدس وجوده کلدی . رئیس چار اولان بو هیئت اوروپاده هر نرهمه بر عصیان ظهور ایدرسه باقفل مداخله ایله تسکینی تحت قراره آلمش ایدی ، از جمله مترنخ کی اختلالک دشمن بی امانی ، حقوق مشروطیتك قطعاً علیهداری . نفسه معتمد ، مغرور بر آدم بو هیئتك واضع قانونی اولمش ایدی .

بودورده فرانسه — فرانسه ناپولیون بوناپارٹک زولی ایله اعاده حکومت ایداش، ۱۸ نجی لوی مقام سلطه کچمش ایدی. بو آدم اساساً حقوق مشروطیتک محافظه ایدلسنه طرفدار ایدی. چونکه فرانسیزلرک تکرار اختلالی ایله عمرینی مملکت اجنبیده کچیرمک ایسته میوردی، فقط قرالک برادری قونت دارتوا، دوشس وانغولم کبی خاندان قرالی به منسوب بمض کیمسهر کندیسنی استبداده تشویق ایدیورلردی. بواننده فرانسه ده ایکی بیوک فرقه سیاسییه وار ایدی. برنجیسی؛ اولترا روایالیستلر؛ که بونلر قرالدن ده زیاده قرالیت طرفداریدرلر. شاتو بریان، بیله بوفرهنگ رؤسایندن ایدی.

ایکنجی فرقه؛ لیبراللر ایدی؛ که فرانسه تاریخ سیاسیسنده دوقورینه نامنی ده ویرلر. مورخ کیزو، ده قاس، رووایه قولار لیبراللرک الک ایلری کلان رجالیدر. فرانسه نلک اوزمان الک بیوک غزتمی اولان قونستیتوسیونل غزتمسی فرقه نلک ناشر افکاری ایدی.

بواکی فرقه دن ماعدا اوچنجی بفرقه ده واردی. فقط اکثریتی حائز دکل ایدی. بونلر جمهوریت ایستیورلردی. اعضالری میانده برشاعر به راتره ومشهور غزتمچیلردن پول لوی فوریه کبی اعظم موجود ایدی. باشلیجه غزتملری غلوب و ناسیونال ایدی.

ارتجاعیون فرقه سنلک الک بیوک استنادکاهی ایسه پاپاسلردن مرکب برطاقم قونفرم غاسیونلر ایدی. جمهوریت فرقه سنلک ده بورهان هیئتلییه قارش کیزلی جمعیتلری وار ایدی. بوجمیتلر ایستلاده کی قاربوناری جمیاتنک نظامات داخله سنی قبول ایتشلر. فرانسه ده یکرمی کشیدن مرکب شعبلر تشکیل ایدیلرک بر جمعیت مرکزیه معرفتیه اداره اولمقده بولمشلر ایدی. جمعیت داخل اولانلرک آیده بر فراتق ویرملری مشروط اولمغه برابر هر حالده بر خنجر بر سلاح واللی فشکه مملکت اولملری ایجاب ایدردی.

ایشته فرانسه نلک اون سکزنجی لوی زماننده کی اداره داخله سی بوفرهنگلرک جمعیتلرک مبارزاتیه کچمشدر. لوئیک وقاتی متعاقب [ ۱۷۲۴ ] برادری قونت دارتوا اوننجی شارل نامیه مقام سلطه کچدی. اوننجی شارل بستیون طرفدار

استبداد ایدی . حتی اختلال کبرده فرانسه دن قرار و بالآخره عودت ایدن زادکنک مروج افکاری ایدی . بونلرک مصادره ایدیلان املاکنک تضمینی ایچون یوزده اوچ فائضله اوتوز میلیونلر بر رانت بادی و بوتون بومیلیونلری بندکاننه توزیع ایدی ، مکاتبده تدریساتی پاپاسلرک مراقبه سی آلتنه وضع ایدی ، حریت مطبوعات بعض تدابیر تضییقه ایله تحدید ایدلدی وسقوط ایدن ویلهل قایینه سی یرینه مارینیاق کجدی . بونک اوزرینه بر چوق جمعیتلر حکومت ویرکو ویرمکن امتناع ایلمکله شارل حریت مطبوعاتک الغاسنی و مجلس مبعوثانک طاغیلمسنی امر ایدی . یکدن انتخاب ایدیلرک مبعوثلرک مقداریخده تحدید ایدلدی .

اوتخی شارلک بو اجرا آتی اوزرینه مشهور قونستیتوسیونل غرضه سنده محررلک ایدن تیر فرانسه ملتنه خطاباً قلمه آلدیغی بیاننامه ده حکومت حقوق مشروطیتی اختلال ایتمکله آرتق فرانسه ایچون مشروع بر حکومت قالدیغنی بیان ایدیور . ایرتمسی کونی یار سده کی مطبعه لرک بر چوغنی سد ایدیلور ، اداره عرفه اعلان اولنور ، اهالی باریقادرل انشاسته باشلایوردی .

باریقادر : اهالینک سواقاقرده قالدیرملری سوکوب بر طاقم مواع . سپرلر یامیسیدر ؛ که بوصورتله عسکرک مانور سته ۴ نعت اولنور . ایشته اهالی باریقادرلی بایدی ، عسکرایله اهالی آرمه سنده مبارزه ، مجادله باشلادی . عسکردن بر قسمی اهالی به التحاق ایدی ، هر طرفدن یشاسون حریت ، قهر اولسون بور بونلر آوازمه لر یوکسلایوردی . قرال هر نه قدر امر نامه لری کری آلدیغنی اعلان ایتدیسده فائده سی اولمدی ، نهایت ترک سلطنته مجبور اولدی . شارلک یرینه دوق دورلکان ( لوئی فیلیپ ) نامیله کجدی . فرانسه تاریخنده بو اختلال ۱۸۳۰ تاریخنه قدر دوام ایدر . اهالی لوئی فیلیپی اساساً یک سوییوردی . فقط غایت معند ، متحکم ، حکومت شخصیه طرفداری بر آدم ایدی . او ؛ انکلتزده تطبیق ایدیلان « قرال اجرای سلطنت ایدر ایسه ده اداره حکومته مداخله ایده مز » نظریه سنک قطعاً علیهنده ایدی ، حتی حاکمیت ملیه ایله قرالیت آرمه سنده مساواتی بیله قبول ایتمیوردی . لژیتمیستلر Legitimisete

(جمهوریت فرقه‌سی) و بونا پارلیستلر، بونلردن ماعدا سن سیمون، قوریه ولوئی بلان کی ارباب قلم سایه‌سندمه یکی طوغان سوسیالیست فرقه‌سی واردی.

مقام اقتداره کلان قازمیر بریه وتیهز قاینه‌لری اولدجه حسن ادارهیه موفق اولدیلر. بالاخره محافظه کار کیزو، تیهزک یرینه قائم اولدی و فقط اصلاحات داخلیه خصوصنده هیچ برشی یابه‌مدی. حالوکه هر طرفدن طلب اصلاحات فریادی بوکسلور، نمایشلر باشلا بوردی. ایشته پیدر پی وقوعبولان بونمایشلر اختلاله منقلب و نتیجه. لوئی فیلیپ دخی ترك سلطنته مجبور اولدی (۱۸۴۸). لوئی فیلیپ سلطنتدن فراغتی اوزرینه فرانسهده ایکنجی جمهوریت اعلان ایدلدی. یاسیلان قانون اساسی موجبنجه یالکیز بر مجلس مبعوثان اوله‌جق و قوه اجرائیه دخی درت سنه مدتله منتخب بر رئیس جمهوره تودیع ایدیله‌جک ایدی. بنا علیه لوئی نابولیون ملت طرفندن رئیس جمهور انتخاب ایدلدی.

لوئی نابولیون دخی بالاخره حدود صلاحیتی تجاوز ایدرک الده ایتدیکی حربیه نظری معاونتیه مجلس مبعوثانی طاغیتدی واک ایلری کلن اعضاییده توقیف ایتدی. بوضورتله الده ایتدیکی نفوذ سایه‌سندمه کندیسینی اون سنه مدتله و قوه احرائیه تماماً مالک اولوق شرطیه اهالییه یکیدن انتخاب ایتدیردی.

نابولیون پی در پی افکار عمومییه ده الده ایدیوردی. فی الحقیقه نتیجهده ینه فرانسنلرک رأینه مراجعت ایدیلهرک ایمراطورلنی اعلان ایدلدی.

بو ائشارده روسیهده دخی چار علیکساندر (آراچمه‌ف) ک تشویقی ایله اجرای استبداد ایلور، مثلاً: بر جوق معلملر مکتبلردن طرد ایدیلور، غروچیوس، باقون، غالیله، قویه‌رنیق، نیوتون نظریه‌لری تدریسدن منع ایدیلور. علوم سیاسییه درس‌لری پروگراملردن چیقاریلور، روسلرک بالخاصه المانیا دارافتورلرینه تحصیله کیمه‌لری منع اولنیلوردی. امور معارف بوضورتله تضییق ایدلدیکی کبی مطبوعات دخی سانسوره تابع ایدی.

(۱۸۲۵) ده چارک وفاتیله روسیهده افکار عمومییه اویانمه باشلا دی.

بالخاصه فرانسهیه کیدن واشغال اردولریله اوراده اقامت ایدوب بالاخره وطنلرینه اعودت ایدن ضابطان حکمفرما اولان استبداد، جهالت، اسارت واشکنجهیه قارشى بر طاقم جمعیات تشکیل ایتدیلر.

بوصره ده غریب بروقمه ظهوره کلدی . وفات ایدن چارعلکساندرک مقامنه او وقت لهستانده بولنان قونستانتین دها اولجه حق سلطنتدن فراغت ایستیکنی بیلدیرمشری . بوندن خبری اولمایان نیقولا، علکساندرک وفاتی اوزرینه بوتون عسکره و رجال دولته قونستانتین ایچون عین ایستردی . لکن قونستانتینک حکومتی قبول ایتمه چکی خبری کلدی .

روسیه ده صداقت یمینی ایدن عسکرک تکرار یمیندن دونغسی پک مهمدر . ایشته جمعیتلر بونی وسیله اتخاذ ایدره رک روسیه نیک بر چوق نقطه لرنده عصیانلر حصوله کتیردیلر . بوکا روسیه تاریخنده دوسامبریسلرک عصیانی دیرلر .

چار نیقولا ؛ صوک درجه مستبد ، قهار بر آدم اولدیفندن پک شدتلی طوراندی . توقیف ایدیلان برچوق متفکرین سیربایه نفی ایدلدی . سانسور شدتی تضعیف ایستی . بوتون مکتبلردن فلسفه درسی قالدیرلدی .

مناسبات خارجی ده مخفی موقود ایدی . روسیه ایله اروپا آراسینده عادتاً بر سد چین وار ایدی . فقط بو استبداده ، تضیقاته رغماً نیقولانک زمان اداره سنده مادی و معنوی پک چوق ترقیات حصوله کلدی .

انکلتزمیه کمنجه ؛ افکار حاضره سیاسیه واجتماعیه نیک اساساتی وضع اولنیور سربستی ، مبادلات طرفدارلری تکثره باشلا نیور ، پوسته اجوراتی تنزیل ایدیلنیور و الحاصل هر طرفده برتری مشاهده اولنیوردی . بو زمان ؛ قرالیجه و یقنوریانک زمان سلطنته مصادفدر . مقام اقتدارده دخ قانلیق ، روبریل ، غلادستون و دیسراولی کی اعظم بولمیشدر .

— مابعدی دیگر نسخه به —